

2^r

Römischer Keyser zu allen zeyten
 WJr Carl der Fünfft von Gottes genaden
 merer des Reychs 7c. in Germanien zu Hyfpanien/
 bayder Sycilien/ zu Hierufalem/ zu Hungern/ Dal-
 matien/ Croatien 7c. König/ Ertzhertzog zu Ofter-
 reych/ Hertzog zu Burgund 7c. Graue zu Habspurg
 Flandern vnd Tyrol 7c. Bekennen öffentlich mit di-
 sem brieff/ vn thun kund aller maniglich/ Nach dem
 vnser vnd des Reychs lieber getrewer Hieronymus Boner Schultheyß zu
 Colmar den befliffnen zum lefen/ vn also gemeinem nutz zu gut/ den achtbarn
 vnd künstlichen Hyftoriographum oder geschicht schreiber/ als nemlich Hero-
 dianum auß dem latein/ in die Hoch teütfch sprach tranfferiert/ vn nu im wil-
 len hatt/ das selbig Buch in den druck pringen/ vnnd öffentlich außgehen zu
 lassen/ Vnd aber beforgt das sollich Buch/ so das im Druck außgeet/ durch an-
 dere Trucken als bald nachgedruckt werde/ dardurch dann der erft Trucken
 dem er das beuolhen/ derhalben feyner gehabtten mühe vnd kofen/ inn nach-
 theyl kommen wurd/ vnd vns darauff demütiglich angeruffen/ vnd gebet-
 ten/ das wir jm inn sollichem mit gnediger fürfehung zu erfcheinen geruchten
 Das wir demnach angefehen/ sollich demütig vnnd pillich bitt/ vnd darumb
 dem obgenanten Boner diß vnser Priuilegium gegeben vnnd verlyhen/ wye
 wir dann solliches hiemit von Römischer Keyserlichen macht inn krafft dits
 brieffs gegeben vnnd verlyhen/ Also das solliches obgenants Buch durch ge-
 nanten Boner verteüfcht/ in Sechs Jaren den nechsten/ nach dem dye vom
 Truck(den er verordnen wirt) außgeen/ nyemants nachdrucken/ oder auch
 also nachgedruckt zu faylem kauff tragen noch verkauffen soll/ Vnnd gepiet-
 ten darauff allen Truckern vnnd Buchfürern von Römischer Keyserlichen
 macht/ bey Zehen Marck lötigs Golds(halb ihn vnser Keyserliche Camer/
 vnnd den anderen halben theyl dem obgenanten Boner vnabchleglich zu be-
 zalen)hyemit ernftlich/ vnnd wollen/ das jr den obgenanten Hyftoriogra-
 phum(nach dem er durch verordnung gemelts Boners inn den Truck ver-
 ordent/ vnd außgehen wirt)inn obbeytympter zeytt der Sechs Jaren/ nicht
 nachdrucken/ oder also nachgedruckt fayl haben/ noch verkauffen/ in gar kein
 weg/ als lieb euch allen vnnd jedem feye obgemelte peen/ auch darzu verlie-
 rung obgedachter nachgetruckten Bücher/ die berürter Boner/ wo er die fin-
 det/ zu feinen handen pringen vnnd annemen mag/ zuuermeyden/ Das mai-
 nen wir ernftlich mit vrkundt dits brieffs mit vnserem Keyserlichen anhan-
 genden Innfigel befygelt. Geben inn vnser vnnd des Heyligen Reychs
 Statt Augspurg/ Am Sibendenn tage des Monats Septembris/ Nach
 Chrifti vnfers erlöfers gepurt Taufent Fünffhundert vnd im Dreyffigften
 Vnfers Keyserthumbs im Zehenden/ vnnd vnserer Reich im Fünffzehen-
 denn Jaren/ Vnderfchriben Carolus/ Albertus Cardinalis Mog. 7c. Arche

cantzellarius ff3/ Admandatum Cefaree et Catholice Maieftatis proprium
Alerander Schweyß ff3. Difen jnnhalt fampt allem meinem gewalt vnd
Freyheit hab ich obgemelter Hieronymus Boner 7c. dem Heynrichen Stey-
ij ner/ Burger

2^v

ner Burger/ vnnd Bûchtrucker zû Augspurg/ sich des an meiner ftatt zû ge-
brauchen/ vbergeben/ alles inn vnd mit krafft difer schrift/ die ich im zû zeug-
nus mit meinem Pûtfchet befyglet geben hab/ zû Augspurg in der Statt den
xc. tag Octobris/ Anno 7c. im Dreyffigften.

DEm durchleuchtigften großmech-
tigften Fürften vnd Herren/ Herren Ferdinanden zû Hun-
gern vnd Beheim König/ Printz vnd Infant inn Hylpani-
en/ Ertzhertzog zû Osterreich Hertzog zû Burgūdi/ Graue
zû Habspurg/ Flandern vnd Tyrol 7c. meinem gnedigften
Herren/ empeüt ich Hieronymus Boner Schultheiß zû Colmar mein vnder-
tånigft allzeit gehorhamft dienft. Gnedigfter König vn̄ Herr / demnach vn̄
ich zû mermaln nit on fonder freüd vn̄ vndertheniglichfter begird/ gehört vn̄
vernom̄en/ das E. Kün. May. nach auß vnd abrichtung der Königlichē
vnd lands notturfftigen gefchefft vn̄ obligenden fachen/ fo das zeit vnd muß
geben mag/ nach Königlicher vnd angeborner art vnd tugend geneigt/ sich
gehabter vnd fürkerter mühe vnd arbeit mit lefung der warhafften Hyftoriē
vnd ritterlichen gefchichten der alten Keifern/ Königen vnd Fürften/ zû er-
getzen vnd zû beluften. Die weil ich dann nit mit ringer arbeit/ den fürtreff-
lichen Griechifchen Hyftorien fchreiber Herodianum/ den der hochgelert An-
gelus Politianus hievor in das latein pracht/ inn diß volgend Teütlich vertol-
metfcht/ in wellichem Bûch ich nit wenig / vom Land Pannonia/ fo man ye-
tzund das Königreich Vngern neñet/ befunden/ So hab ich niemant andern
dann E. Kün. May. als dem rechten haupt vnd eignen Herren deffelbigen
Königreichs/ diß mein arbeit vnd verteütftes Bûch/ billicher wiffen mit al-
ler vnderthånigkeit zûuereeren/ Jnn dem dann E. Kün. May. groß vnnd
feltzam ändrung der fachen/ vnd vil newerung der ding befunden/ nemlich vil
Erempel des wandelbarn glücks auff beid weg/ wunderparlich tãdt vn̄ an-
fchleg/ vnd der felbigen radtfchleg vnuerhofft zûfell vnd außgeng/ vn̄ anders
das von wegen der feltzame nit allein luftig ift zûhören/ fonder auch zûwiffen
(damit man sich in anfehung frembder fchãdē nach dem fpruch Senece/ ficher
wiffe zû halten)nützlich fein mag/ Das geruch E. Kün. May. inn gnaden an
zûnemen/ vnd mich in genedigften beuelch zû haben. Datum Augspurg auff
den xij. tag Septembris. Anno. 1530.

Ewer Kün. May.

Vnderthånigfter

Hieronymus Boner Schul-

theys zû Colmar.

3^r

Ain Vorred in die Herodianifchen hyftori.

Welliche hyftorien fchreyber/ dye

alten gefchichten/ den nachuolgenden eröffnet / vnnd dye

alten gedechnus der Hyftorien mit dem Büchftaben zû

ernewern/ fich geflyffen/ die haben zû dem aller merften/

als fy das lob der kunft begert/ vnd fich geübet/ iren namē

vor der ftraff der vnwissenheit zû befchyrmen/ jhr höchft

vernunft vnd gefchicklichkeit daran gewendet/ das fy die warheit zû ergrün-

den mer gefchetzt/ dañ in fatzung zierlicher vnd wolteender rede/ vnd betrach-

tet wo fich begebe/ das inn den dingen/ nach langer zeyt ichts falliches befunden/

fo wurde das verworffen vnd verachtet/ vnnd fy durch die fuffigkeit der

red vn verkündung nit wenigens der künfft vn angelegter arbeit nit empfenck-

lich. Die andern vnderwunden fich fchlechte vn leychtfertige fachen/ doch mit

einem fcharpffen künftlichen befchreiben/ weyt von dem waren glauben zû er

heben/ vnd werden dazû gereitzt / durch fonderlich feindfchafft vnnd haß/ ge-

gen den Tyrannen vnd wütterichen/ oder aber zû lobe/ der Fürften/ Herren/

Stet/ oder fondern perfonen/ mit dem rûm zû fchmeychlen vnnd liebkofen.

Dargegen aber ich Herodianus ein follich Hyftori/ die nit von andern ange-

nomēn/ noch vnbeant/ oder die der gezeugnus notturfftig/ fonder von den

jhenen die folliche Hyftori lefen/ nach jren fynnen vnd gedechnus anhangen-

de/ bey höchstem glauben/ vnd groffem fleiß zufamen gefetzt haben/ abzefchrei-

ben angenommen habe/ hoffende/ das die den nachuolgenden/ nit vnluftlich

fein/ mit jrer erkantnus vn ynnhalt der fachen/ dern fouil/ gefchickt/ nützlich/

vnd trefflich groß/ auch nit fo gar vor langer zeit befchehen feind. Wann fo

man von dem Keyfer Augufto an/ vntz auff die regierüg des Keyfers Mar-

ci/ alle zeit rechnet/ fo fyndet man nemlich in dem der Rômifch gewalt/ vnder

eins Keyfers handen gewefen/ das auff vnd bey verlauffung zwayhundert

jaren(dañ fouil wirt vntz zû der regierung des Keyfers Marci gezalt)eint-

weders fo mancherley feltzamer nachuolgung im regiment/ oder aber der bur-

gerlichen ynweidifche krieg halb/ fo vil vn mancherhand fell vn vnfell/ in em-

pörung vn auffrüren fo viler völker/ in fo manigfaltiger eroberung vnfer vn

der feind ftetē/ Dazû erbidem/ peftilentz/ auch in der fürften/ der keifer/ vn ð

tyrañen leben vn welen/ fouil newe/ fouil vngehörte fachē/ das kein oder gantz

wenig/ der gleichē exempel bey den alten fundē werden/ Vnder denē etliche ein

lågwirigē/ die anñ ein kurtzē gewalt gehebt/ vn habē jr etlich/ als fye kaum dē

anfang der keyferlichē wyrde erlangt/ vn allein keyfer geneñet wurdē/ an dem

felbigē tag da fy dz reich angenomēn/ widerüb verftoffen/ Wañ dieweil vn in

lx. farē/ die ftat Rom vil mer keifer gehebt hat/ dañ zû aller andn zeit/ fo folget

vn kompt auß dem/ das fürwar vil vn mancherhand fachen/ die da feltzam zû

hören/ vn zû verwundren/ entftanden find/ Darumb on zweifel die eltern für

ften vn Keifer/ als die erfarnen der hendel vn gefcheftē/ die jrn vn fich felbs mit

großem fleiß regiert/ Dargegē haben aber die jüngern sich waich/ leichtfertig
vñ mütwilliglich gehaltē/ also d3 sye vil newerung auffgericht/ auß dem folgt
d3 mit vngleichem alter vñ gemüt/ auch widerpennig vñ vngleich syten vñ ge
wonheiten komē. Dife ding in wellicher gefalt die gefchehen vnd gehandelt
feind/ die wil ich nach ordnung der fürften vnd keyser zů jrenzeyten beschreibē.

iij